

**نسيان
وكذب
وصديق**

«ناجى شعيب»



الهيئة المصرية العامة للكتاب

٢٠٠٧

سلسلة كتاب الاتحاد

رئيس مجلس إدارة اتحاد الكتاب :

محمد سلماوى

رئيس لجنة النشر :

المنجى سرحان

الغلاف والإشراف الفنى :

صبرى عبد الواحد

شعيب ، ناجى .

نسيان وكذب وصدق/ ناجى شعيب .. القاهرة:

الهيئة المصرية العامة للكتاب، ٢٠٠٧ .

٩٦ ص ؛ ٢٠ سم . (سلسلة اتحاد الكتاب)

تدمك ٧ ٦٤٥ ٤١٩ ٩٧٧

١ - الشعر الشعبي المصرى .

(١) - العنوان .

رقم الإيداع بدار الكتب ٢٠٠٧ / ٤٧٩٣

I.S.B.N 977 - 419 - 645 - 7

ديوى ٨١١ ، ٠٨٤

إلى س
لحظة الصدق الوحيدة

«ناجى شعيب»

جايز يضيق حلم الزمن بيكى
أنا ف انتظارك فى زمن تانى
جايز خطاكى ف سكة مش ليكى
أقرى حنينى ف ضى عنوانى

ناجى شبيب

واقف

بقالى أد إيه م الزمن

مش فاكرو؟

تعبت م اللي عايشين حواليه

من كتر ما حاولت أنساهم

حبة القلب

مليانه دم

من بعد ما نشفت

رجعه تغزنى ف جانبى

الى فاضل م الزمن

هوه.. هوه..

نفس الهوى.. نفس ريحته

ما اتغيرتش كتير

وكل حاجة سبتوها ف مكانها

لسه قاعدة في مكانها

(١)

عدت سنه

حبة الزعل والحزن عدو

ولسنه مش قادر تلتفت لنفسك حبة

سايب الخية تضيق على رجلك

والمسافة عمالة توسع عليك

بين اللي فات واللى جاى

نسيان بقى..

ما هو أصلهم بيقولوا عنه

إنه نعمة كبيرة

أو زى كل الناس ما بتقول

خليه عايش حياته

كلتها أيام

وتكمل ف عمرك سنة جديدة.

يعنى.

مش عايز أقولك

هاتعجز سنه

ما هو كله دلوقتى

محسوب عليك بالناقص

كل سنه وأنت

وكل سنه

وهيه لسه حبيبتك

وكل سنه

وأنت على عهدك معاها.

(٢)

بتجرى ليه على آخرك؟

ومخلى قلبك ينهج

مش قولتلك سيب السبق لصاحبه

عمرك ما تستحمل تنهزم من جوه

دا الشرخ عمال بيوسع

وأنت مش دارى

حيات كتيرة عايزة تخرج م الشقوق

تتك كده على حالك

لحد ما ها تبرك

وخداك لفين عزة نفس كدابة

مخلياك عايش

فى حالة عمى

ما باقتش زى زمان

مع أن كلك

لسه عايش ف كلك

بركت ليه دلوقتى

قلة مروءة!

ولا قلة مروءة!

واللا اللجام كاتم على نفسك

ومش قادر تفلفص منه

كل سنه وأنت زى ما أنت

كل سنه وهيه زى ما هيه

هيه دى الحقيقة اللى بتشوفها

دائمًا عايشها ف منامك

وهيه عايشة ف روحك

يوم ما تتأخر عليك حبة

تبقى مش طابق تعيش

ما هيه دى الذكريات

الل بتمد الللى جى بالمروة

وهيه الللى بتجرى الدم ف عروقك

جايز

فكرينك قدرت تنسى

وبرضه جايز تفتكر نفسك نسيت

طيب يبصوا ف ملامحك

يبصوا ف عنيك كويس

خليهم يدخلوا جوة قلبك يناموا

ها يلاقوا مكتوب
على كل حته ف روحك
كل سنه وانت طيب
كل سنه وانت
لسه حبيبي....

(٣)

عايز أكرهك مش قادر

طب قوللى يبقى إزاي؟

عايز أعيش باقى العمر ف سكينه

لحظة رضا عن نفسى حتى ف منامى

برضه مش قادر

مساحة الحزن

كل ما بتضيق جوايا

أقول خلاص الجرح قرب يقفل

ترجع توسع عليه من تانى

وتردنى بقسوة لحالى الأولانى

تعبت من كتر

الحنين اللي فات

وكرهت روحى اللي كدبت عليه

بحر الأسى بتوسع شطوطه
إزاي هاعدى وما أغرقشى
ف بحر قلة الحيلة
مش بأيدي اللي أتنقش جوايا
طب أعمل إيه دلوقتى دلينى؟
لا أنا قادر أكذب وأصدق كدبى
ولا قادر أنسى
وأرمى صدقى ورايا
أقعد بقيت العمر أفتش
ف الحاجات القديمة
ف دولاب هدوك
المليان بالذكريات وشنط اليد
ف كل أوراقك اللي أترميت وسطها

فساتين كثيرة متعلقة
وهدوم على الأرفف
نيلون وقطن وحرير
نايمة وبقالها زمان
بحنينها على جسمي
حكايات وأشواق
لهفة وبرفانات
وريحة العشرة
غلاوة ملفوفة بحرير الرحمة
عائشة ف وسط أيام مقدرتهاش
نايمة على شماعاتها بمودة وشجن

طب أى حاجة الأقيها
مايكونش ليّه معاها ذكرى
ماتكونش دأقت ف يوم من الأيام
طعم عرفى ف أى لحظة ود
كل الخيوط ممتدة بعنفوانها
كل حاجة قديمة
زى ماهيّه ف مكانها
تعبت من دوس الذكريات عليّه
تعبت من اللف والدوران عليها
عن أى حاجة قديمة نسيها
أقدر أكرمك فيها.

كل اللي جوايا مش قادر عليه
أصل اللي برايا أقوى وأجن
كاشف على الناس عورة عنيه
مع إنى عمري ما خدت ف بالى.
عزة مشاعري
ولا كنت يوم حاسب حساب ماجرالى
لحد ما تعريت قدام عنيه
عشان كده
مش مصدق حزنى..

(٤)

دائماً ف وسط أصحابي

بتداري فيهم

من نفسى اللى قهرانى

بحتمى بالسكر والتوهمة

وملل الصحبة

زى النعامة

دفنت راسى ف أقرب سدر قدامى

برجع ف آخر الليل

ما بين أربع حيطان

مشهد بيتكرر كل ليلة

جائز تكون الشهوة نسيان

لما تخلص عافيتى وكل حاجة تروح لحالها

أقدر أفك السحر اللى معموللى

طب إزاي
هأقدر ألقى مشاعري
وهيه بتجري على الورق قدامي
أصعب عذاب ليّه
وهيّه بتكتب قدام عنيه
ما أقدرش أداري عن البياض
حزن السطور
كلي بيبقى مكشوف
عريان ومكتوم لكلي
كلي بيبقى كلي ما بينفعش
يتجزأ ساعتها
جايز تكون الحروف لحظة خروجها
هيّه اللي بتطهر طريقها
أصل الكي زي البتر
ودايمًا شدة الألم
ساعة وتروح لحالها
بيجي الشفا بس بطيء قوى

على أقل من مهله
أهو اسمه ف الآخر شفا
بعديه بترجع العافية تانى
للمشاعر اللى ما بتكتبشى
وبتحتمى من اللى جاى
بشوية من اللى فات
مع أن غيرى بيتمنى أى لحظة
من اللى جاى عليه عشان يعيشها
مش قادرة تتغير مشاعرى
ولا قادرة تحود ف سكة تانية
قفلتى على روحى جوايا
تلم الجن حوالية
مافيش ف وسطهم
جنية شاطرة قادرة تلبسنى
كلهم بيقولوا طماع قوى
فراغه العين كفر بالنعمة
وأنا لسه برضه بعافيتى

بقدر أعزم عليهم وألهم حوالياه
وف آخر الليل لما أحب أصرفهم
أقدر بطراطيف صوابى
ف آخر الليل أتكوم ع الورق
صحيح بتخبط من حيلة للتانية
بس واعى لكل حاجة
كلى لسه ف إديه
بلاقى نفسى وقت ما أحتاج لها
من غير ما حد يدلنى عليها
بيقولوا جبار على نفسى
وهيه عليه رحيمة
ماهى لسه سايبة جوايا
حتة نور.

(٥)

كدبة الحزن انتهت

عدت أيام كثيره

ماعدتش ف العمر فاضل

غير ملل وفراغ ووحدہ

كره زايد للدنيا على كرهها

ماعدتش بستحمل الحزن

كل جسمى إنهرى

أصدق مافى الدنيا

هيّه كدبتها

وأحن منها عليّه نفسى

طب تبقى فين الراحة

وهيّه فين التوهة سعت الحزن

شجرى بيتسقط ورقه ورا التانيه

كل الفروع اللى طرحت

دبلت جدورها

كل ورقة بتسحب

من عمرى بالناقص

تعبت من كتر انتظار اللى جى

ما فضلش م الأيام غير صدى

مالى ودانى شمع وصديد

ضى الدموع اللى كانت بتغسل عنيه

من لحظة للتانيه

نايمة دلوقتى وممدودة

على كفوف الزمن بخاطرها

مشوار طويل أصعب ما فيه قصره

ولو أنه خلص من عمرى بدرى قوى

مابقاش عليّه للدنيا حاجة

تعايرنى أو تداينى بيها

ما هى كل خطوة اتمشت

سدت من عليه الديون القديمة

أنا اللي ليّه دلوقتى ع الدنيا أيام

بتقوللى لو تقدر تعيشها

عيشها لآخرها

لو تقدر تموتها دلوقتى

برضه موتها لآخرها

لو تقدر توفرها دين

أهو برضه بيقالك

أحسن تموت مستور
وأنت مدايني
من أنك تعيش مفضوح
على الناس كده
شجر دموعك عمال يسقط
كل ورقة عليك

(٦)

خرجت من حزنك قوام

يا قلبك..

رجعت تانى لكذبك المتزوق

وبتلفه ف حرير زمنك الفايت

قلت الدم اللى نايمة ف روحك

ممدودة بطولها

كسبت رهانها مع المشاعر

حواسك الخمسة ما عدتش خمسة

انكومت كلتها على بعضيها

واتخمدت ف حاسة واحدة

ومجرجراك وراها ع الأرض

لسانك المتدل على الأسفلت

عمال بيشلب دم.

خمسين سنه عدت

وأنت لسه ع الحال ده

ميت وعایش

عذرك زمان ما عدتش دلوقتی ينفع

راجع براسك عشرين سنة لورا

ما تكونش فاكرك نفسك

طلوقة قوى

شيب الهزال مكرمش جلد وشك

طبقات من الأيام

بيتراكم ترابها وعبلها

علشان يسد مسماتك المليانه

بالشعر لبيض.

لما ابتدت ترتعش إيديك

سألت نفسك ليه

حقيقة الدنيا هيّه كده

وأنت ما صدقتش حتى رعشتها

لسا غفلان عن الدنيا

حتى فى أقرب مشاعرك

وبرضه راجع تكابر

طب أمتى هاتصدق حواسك

اللى بتفقدوها ورا بعضيها، واللى مكدياك

وقاعدة تنسقط غصب عن طوعك

بتشم. بتدوق. بتسمع

بتلمس. بتحس. بتتكلم

(٧)

جائز دى كدبة الرمق الأخير
ما هو أصل ما فضلش لك غيره
وبرضه جائز من حلاوة الروح
مع أنها خرجت من جتتك بدرى
ما هي كل دى حاجات
كات جوة حزنك قوة
دلوقتي صبحت
جوه كدبك حقيقة

رجعت عنك تتجس

من قلة الدموع

دا مش التهاب أو عمی

زی ما أنت قاعد تقول

وتصبر نفسك بنفسك

رجعت ودانك تتملى شمع وصديد

ولا مية نار

هاتقدر تفتح سكة فيهم

يعنى عمر مشاعرك

ما هاتسمع صوت مشاعرك

طب تعمل دلوقتى إيه

ف رعشة إديك

ولا ف برد الصوابع

الدم هو اللي ما بيوصلشنى بصحيح

ولابرد القلب كاتم عليه

ومخلى كل سلك الدم متجمده

طعم العرق مالح على لسانك

ولا زى عوايده حلو

طب قدرت إزاي تدوقه

وهو ما بيتضحش من أصله

وإزاي هاتقدر تحسه

وهو مش قادر حتى يفتح لنفسه

ف المسام سكة حنين

قادر تقسم كلامك

علقم وحلو

طب مين اللي هايخيل عليه

كلام بيدمع، من كتر الضحك ع الدنيا

خرجت بدرى قوى

قاصد ..

وكل حاجة دلوقتى رجعت بخاطرک

بتقول عشان تقدر تکمل العمر

حسب الوصية

دا أنت زى الريح اللى فسدت

وخذت ف سكتها الحلوة والمره

وأهى قاعدة بتقلع من قلبک

کل الجدور الطيبة

قدرت تنسى قوام

برضه قاصد

طب لسه عايش ليه ف نفس الزمن

مع أنك ماخترتهوش

إزاي عرفت تاكل حنينك

وتهضمه بسرعة

وكأن كل اللي فات ما يستهلش الحزن

مين اللي قواك ساعتها

على قسوة القلب ديه

لو ميت يمين أنت اللي بتكذب مشاعرك

ما هي سنة الدنيا إنك تعيش

بس برضه !

سنة الدنيا توفى

جسمك مليان شياطين

مش عايضة أبداً تخرج

أصل الحنين اللي فات

هو اللي كان دائماً بيصرفها

قلبك أسود بقى قطران
من كتر نومهم فيه
مش هو ذا العهد اللي خدته
على نفسك زمان
ولا هو ده الحلم اللي كنت بتحلمه
ولا هيه دى السكة اللي كنت دايماً
ببتمنى تمشيها .

(٨)

تعبت

مسافر

اكسر البوصلة

ما تعندش الريح وخذها ف ضهرك

غيّر هوا

جدد مشاعر

البس مشاعر جديدة

واللا أقولك

احدقها فى اتجاه تانى

مستنى إيه م الدنيا

ف الدنيا غير قلة أصلها

بتحتمى من الريح ف مين

كليت. ريح شويه

ارمى تعبك على أقرب رصيف

ما حدش فى الدنيا يقدر
يجبرك على حاجة
لا غصب
ولا بجميلة
ندمان قوى
ما أنت اللى ماشى تتخبط
قاعد تحك أكتافك
ف أسمنت الحيطان القديمة
بعد ما اتسلخت دراعاتك
جى ندمان ع اللى فات
لسه عايز تحافظ على حبة الود
اللى بينك وبين الناس
ود.... ود إية؟

لساك عبيط برضه ما أتعلمتش

ناسى أن الزمن

كل يوم على حال

واقف لحد دلوقتى لوحذك

على حد الشرف والعفة خايف

لا أنت قادر ترجع ورا

ولا قادر تخطى قدام

يأست من إيه؟

اللى فات والا اللى جاى

خمسين سنه بتجرى جرى الوحوش

عدوا دهمس التراب والريح

ما عدتش فاضل غير قليل قوى

تقدر تقوللى

إيه اللى ممكن تخسره

إيه اللى ممكن تراهن عليه

ما عدش فيه حاجة منك

تتحسب عليك

اللى جه . جه

مش بطوعك

إزاي هاتقدر تحيده

ضدك عنيد قوى

راسه ناشفة

اتنطحوا ف الباقي

زى الكباش الهايجة

جايز دودة دماغك

تكن عنك وتهمد حبة

أدى إحنا قاعدين بنتفرج

ع اللى هاينخ ف الآخر

يا تدهسه
وتعدى بالباقي اللى فاضل
يا اما هو هايدهسك
ويفركه على تراب قبرك
زمن بقى
إزاي هاتقدر
تمسكه وتلويه
هو اللى متعلق ف تلايبك
لحد ما اتمزعت منك
وبقيت حتت ف إديه

(٩)

كأت كذبة بفضة

طفب إزأف هافقءروا فغموك

وأنت كنت ساعءها

طور هافف

من عبءك المفمون

وأنت مءغمف صدقءهم

عملء ضهرك مسءبة ومسند

عشان فرتاحوا حبة

فقوموا وفناموا

فحلبوا ضلوعك من الحنة

بالذمة فف ف الدنيا ءفففل

أكءر من اللف أنت فف

طب فكلوا عقلك بففه

إزاي يلفوا دماغك

غير بالكلام اللي انت صدقته

الزن ع الودان

أمر م السحر

أنت اتخدت بطلاسم

والا اتخدت بغفوة

ما هي مش هاتفرق كثير

ما أنت اتخدت وخلص

دلوقتي عجبك تعيش

زى ما أنت كده

راكب فرس قش

عمال يتحرق من تحتك

عدت سنين

جائز قدرت أعدى عليها

برضه جائز دهستى تحت عجلها

كل اللى كنت فاكهه ومالينى

مش قادر أفكره

كل اللى بنسأه وبالغضب

مش قادر أنسأه

الدنيا كدبت عليه كثير

ما هش فارقة

صدقت معايا ف كلامها

برضه مش فارقة

بس اللى خايف منه

ودايماً ف عقلى وضميرى

يطول العمر بيه

أكثر من حدود نسياني

اللى كل ما أحاول أخش

من بوابته أتسى

خايف أكثر من الأول

أرجع أعيد العمر من تانى

أتلون بشر الدنيا

حاجات كتيره قوى

بتجرنى من قلبى جر

خايف أترمى بأيدي ف حضن غفوة

أو سهوه. أو توهه

مع أنى ناسى

أكثر من حدود نسياني

وعايش وكل ناسى اتسوا.

كذب وحقيقة ووهم كبير
صدقك نفسك . صدق
أهى تبقى أول بداية كدبة
جائز الدنيا تصدق فيها
البعد دلوقتى عنك غنيمة
نعمة ما يطولهاش عزيز
القرب منك زى مية النار
لما بتغلى على أى لحم طرى
الصعب دائماً بيبدأ
مع أول المشوار
لكن انت صعبك ف آخره
مش قولتلك
بطل سفر لبعيد

أرجع قوام م الحلم
الى أنت مش طايله
مش كل مرة تقدر تسافر
وأنت مليون موانى
ولا يوم هاتقدر تبهر م الى جواك
إزاي هاتقدر ترجع مراكبك للبوغاز
خليك فى عرض البحر أحسن
طاطى للموجة
أن كنت عايم ولا غرقان
ما عدتش فارقة معاك
بس خليك محاسب على ضلوعك
لتنكسر من ضراوة قلوبك
إزاي ها تبقى ملاح شاطر

وأنت أطيب من حنين الموج لبعضه

دور على كدبه تانيه تقولها

لو يوم لقيت نفسك

تبقى صدقتها

لسه عايش

ولا ميت من زمان؟

كل ما تروح مكان تلقى اللى فاتك فيه

ف وشك

كل ما تقول خلاص قريرت تنسى

ترجع تعيد شريط الذاكرة من الأول

يعنى اللى شوفته

واللى لسه هاتشوفه

هو اللى ف المجهول

العيب ف مين تقدر تقوللى

عايز تفهمنى

أن انت مش معيوب

أنت كدبت نفسك بنفسك

حدفت كل مالك عليك

حتى السنين الدافيه

بردت م الركنة والنسيان

تقدر تعيد تانى نفس المشهد

تقدر ترجع للزمن ريحته

تقدر تسافر وأنت مليون موانى

تقدر ترجع مراكبك للبوغاز

تقدر!

عمرك ما تقدر

لو كنت تقدر

تبقى كداب كبير

لسه عايش

وهم إنك لسه عايش

لسه مزروع جواك طرى ومفرع

لسه جواك مشاعر

بتطرح نفسها ف عناقيدها

اوعى تخذك غيطانها

ترجع تحس بالنعمة

طعم الشاعر تسطل

وهيّه لسه مندية

تخذك معاها لزمن نسيانك

وتفكر بك كل الحنين اللى فات

ترجع العافية

للقلب اللى عميت نواضره

العافية ترجع القلب تانى

ترجع

بس مش بالساهل

العافية تصبغ للقلب شعره وتسرحه

تصبغ

بس كله بتمن

إن كنت تقدر ترد الدين

ادفع

العافية تمسح كل السنين الساقعة

تبطن قلبك بالحرير لخضر

تبقى هاترجع تتدين تانى للدنيا

عايزنى أجوبك بإيه

بطل طمع

خليك كده وعلى قد عمرك
ويبقى أكرم لو تكمل ف اللي جاى
ع الذكريات القديمة
بالذمة مش مكسوف
جايز تكون عايش
ف وهم إنك لسه عايش
طب هأكسفك ليه
وأنت دايماً نايم
ومستسلم لقله حياك

زمن البكا دلوقتى ع الباقي
مش ع اللي راح
لك ألف حق ف كل اللي بتقوله
تعبت من كتر كذبك عليه
زمان
الكذب كان هو المنجى
دلوقتى الكذب حلو الدنيا
هو اللي بيسكرها
وأنت طول عمرك كذاب كبير

حنية الألفة

دائماً من حنان الولف

طعم ريقك عسل على ريقها

صحيح بيقولوا الدهن ف العتاقى

لكن البدارى لحمهم أطعم

لو حتى كات بتشد تهضمها

تسرى وتمرى عليك

من حلو ريقها وطعامته

من بعد ما اتهمت وقعت أنيابك

الأكل بقى محتاج يستوى شوية

اللحمة اللى بتشدّها ما عدتش تنفع

تمضغ ما تمضغ ولا أى فايده

ديب عجوز هتمان

محتاج نتايه تمضغ له

تمص فايده الأكل

وهو ياكل التفل

يا كده.

يا الجوع هايكلك وتتعدم بدرى

بدرى إيه

دا أنت متأخر قوى

نفسك ف إيه دلوقتى

قايم تسويه بأيدك

مش هو طعم زمان

ولا ريحة إمبراح

قاعد بتدعك سنانك

لحد ما اتهتموا

معاجين تعطر وبتحلى ريقك لمين

ما عدتش ليك ف العتاقى مناب

ولحم البدارى يقلب منفعة جسمك

بلاش تكشف كل ورقك عليهم

دى الدنيا مش حر يعنى قوى

لكل العرق ده

أسود ليه وشك م الكسوف

شوف قد إيه أنت هونت عليك

شوف قد إيه حنية الألفة

كانت من حنان اللفة

تسود تعرق تملح

تعيأ . ترقد

تلقاك ممدد ف سدر مفتوح

تملى لآخره

حتى اللي بالأجره
قفلت ببيانها وسدرها ف وشك
ما استحملتش بيان عليها سواد أسنانك
طب تتعدل على مين ما أنت قدامها
صعبان عليك نفسك قوى
طب صونها وأحميها
ويلاش تبهدل فيها بالشكل ده
على فرش مليون عرق ومهانة

حبة حبة رجلك بتيجى
ما أنت اللى قصرت عليهم السكة
أولها هزة راس وتسبيله
ضحكة تشد حبل الخية
تحس بعد الضحك بحزة المصيدة
ولما رجلك تيجى كله بيتساوى
مجرد ما تتخلع من حياك
تنطفئ الهالة اللى على راسك
وترخص كل يوم عن الثانى
لحد ما تبقى وردة تل
على صدر فستان عريان
كماله للقاعدة على ترابيزة حريم

فعل فاضح للزمن اللى خلاك

من صياد شاطر

لفريسة خايبة

فرو على كتف هانم

جايز تكون حلوة بصحيح

وبرضه جايز خرجت من حدود الزمن

وأهو برضه تنفعها

وتدفي بيك كتفها العريان

اوعى تكون متعشم تتقلب فرو تعلق

ترد فيه الروح ف ليلة شتا

أصعب ما ف الحدوته

هيّ بدايتها

طب تعمل إيه
لو اتربط ف ساقية
وما قدرتش تجر
ما عدتش اللي باقى ينفع
يترمى ف حضن بردان
يبقى أكرملك يتقال ديب عجوز
أحسن ما يتقال
نعجة وقعت ف جب
اوعى تفرح باللى اتنصب حواليك
من ستاير حرير وكلام مزوق
ف آخر الليل هاتفطس
على سدر ميت من الركنة
ومش ها تلحق تتدبح ولا تدبح
يعنى لا فائدة ف الآخر
ولا عايدة ف الأول

لفت منك شوية

أكيد

برضه هاتلف أكثر

ما قولتش لنفسك ليه

أنت دلوقتي بالذات

كل الحيطان اللي سنداك

عماله تتهد حيطه ورا حيطه

جسمك بيتعري منك حته ورا حته

زمان كنت مليون حيا

كنت بتقشعر من كتر ما بتخشى

من غفلة الحزن

أترميت ف قلة حياك

أهو حبة حبة

بنتقل تحت منك خطوتك

شوية شوية

الدم بيقل ضغطه ف عروقك

يوم ورا يوم

بيزيد السواد اللي تحت عنيك

دخلت نفسك بنفسك

دايرة عماك

لا عدت عارف تسمى

ف أكل أو ف منام

ولا عدت قادر تمام

تعبان قوى..

قلة الراحة هيّه اللي فضلة لك

فكر شوية قبل ما تزيد الخسارة

وتتحرق كل المراكب

لملم بواقى العمر

تسند الباقي اللي جاى

الجنس عمره ما كان دوا

جايز يكون سكة للنسيان

وبرضه جايز سكة للتوهة

فما تعتمدش كتير عالى برجك يقوله

دا برضه ف الآخر

اسمه غيب

والعافية عافية القلب مش عافية بدن

وَأَنْتِ أَتَمَلَيْتِ يَا مَا

بِالْفَرْحِ فَالسَّابِقِ

مَا هُوَ بَرَضُهُ حَقَّ الدُّنْيَا

تَاخُذِ الْمَالِيَّ جَوَاكِ

وَبَرَضُهُ مِنْ حَقِّهَا

تَدِيهِ لَغَيْرِكَ

الْحُزْنَ أَطْهَرَ مِمَّا تَغْسِلُ بِهَا حُزْنَكَ

وَالْفَرْحَ أَجْمَلَ وَأَحْلَى

لَمَّا يَتَحَوَّلُ لَذِكْرِي

عِيشِ عَالِيَّ فَاضِلِ

أَحْضَنُهُ وَدَفِيهِ

جَايِزُ فَيَوْمَ تَقْدَرُ تَعِيشُ...

خايف تنام
 من إيه؟
 خايف حيطان الحلم تطبق عليك
 ما أنت أتمليت بالقهر
 خدك مكرمش دموع
 قلبك مجعد هم
 قوم هوى ريحة الفرشة
 شمس المرتبة، غير الملايات
 افتح الشيش والقزاز
 جازي الوخم يحل من على قلبك
 البدرى أصله ريحته حلوة قوى
 واللا أنت دلوقتى مزكوم
 من طولت الركنة
 يادى الرطوبة اللى نايم فيها

بتصحى الضهرية تعمل إيه
أربع حيطان عمالين ينطبقوا
من الخنقة عايز تمام تانى
هيه دى العيشة اللي بقيالك
سيب الحياة للحياة
كله ف الآخر بيتساوى
وأولك زى آخرك
أهو صاحى نايم
ما عدتش تفرق كثير
العد بقى بالعكس
وخطوتين قدام ما يطولوش العمر

كنت بتمنى الفرس ينطلق
لما انطلق دھسك
كسر ضلوعك
ھمد اللحم ف الجتة
إيه اللى عمال ینغز كل ما تحسس عليه
لسه باقى ف القلب حیل
طب قوللى ببقى إزای؟
وإحنا انتھینا خلاص من زمن المعجزات
عمرك طویل بالوراثة
اشمعنا طولت العمر هیّ اللى بقیالك
بذرة العطف اترمت جواك
برضه ما بتسقیهاش

خايف يقولوا عليك نسيت

خايف تعيد العمر م الأول

كل النقوش القديمة

محفورة ف الذاكرة

ما تتمسحش غير بالموات الطويل

يعنى اللى مات لسه حى

عايش بيتحرك بياكل ويشرب

شيفك ف عجزك وقلة روحك

معاك ف كل خطوة

وكل ثانية وكل عمر

هايعجز ويكبر

ها يموت معاك تانى

ف اللحظة والتانيه

فاضل كتير مين عارف
لو حتى فاضل لحظة عيشها
دى قفلت القلب ع اللى جواه انتحار
خلى الحياة للحياة
عيش وخلي غيرك
جوه منك يعيش

(١٧)

إحساس قوى بعزة النفس
هو اللي سايبك هايج
بتتجرف بعواطفك ف اتجاه تانى
ما حدش هايقدر ياخذ
أكثر م اللي يسمح بيه
ما بتتجزأش عندى
أصل كلك هو كلك
عجينة واحدة ما تتشكلش تانى
أى انحراف ف كيائك
علاقة كلتها أيام وتبرد
نزوة ممكن يجربها ومن غير زعل
طيش ما أنت ف الحزن عيّل صغير
مسموح يكسر لعبه ويقطع هدومه
مسموح يضرب برجليه أى حاجة ف طريقه

بكل حرية جرب أى حاجة

وكل حاجة

عشان يزيد إحساسك بعزة نفسى

ترجع وأنت مكسوف

وشك ف الأرض من قوة حنانى

بكل طهر السماحة

تنام ف سدرى وأنت مطمئن

مايقدرش ع الغفران إلا القوى

وأنت اللى زيك

كفاية شدة ودانه

عمرك ما نمت وأنت حامل هم نفسك

ولا نمت مقهور ف ليلة

لحظة الغفران بتغسل

عن البدن الخطى درن الخطايا

ترجع للقلب لونه وعافيته
برضه من تانى يرجع يتمرع تانى
كنت بتجرب عشان تظمن
لسه الرmq والعافية موجوده
ما كاتش غفلة منى
أو حضن وخلص
كان عمر وأنت جواه صغير
اللى كنت بتعمله
بيتحسب شقاوة عيال
متستهلش تتعاقب عليها
دلوقتى تعمل إيه
بعد ما الحضن اتقفل
واللى جواك نضح ع اللى براك
وأى خطيئة ركباك بطول العمر.

الليلة عيد
حبة القلب كمل ف عمرى
اتنين وخمسين سنه
شمعتين ف تورته الأيس كريم
طول عمره بيحبها
كل اللى بيحبه الليلادى مسموح بيه
حتى اللى عارفة أنه بيضره
كاسين ما يمنعش بس بشرط
تقوم تكسر الكباية بعد ما تشرب
الأكل أشكال وألوان على الترابيزة
ف وسطها برام حمام
بالرز المعمر
دائماً بعملوله من غير مناسبة

بس الليلادى له طعم تانى
هو اللى دايماً يقوللى كده
كل العيال حواليه بلمتهم
وشمعتين من عمره على رجليه
قاعد يناغش فيه ويضحك له
أصغر ما فى العيلة والمولود الجديد
قاعد بيضحك ف وش أعزهم عندى
كلهم نايمين ف عينى
وقلبى وعافيتى
وكلنا بلمتنا نايمين
ف حبة قلبه من جوه
قلبه اللى ابتدى ينهج
من كتر لمتنا فيه

انفخ بعزم ما فيك وطفى الشمعتين
التورته هاتسيح قبل ما ينطفوا
الريح بتسكت حبة وتهب تانى
متحملة بالنسيم اللى مليون مودة
اتلموا خلوا الأكل يهنالى
بابص ف عينكو أشبع
من عشرة الحنية

عديت على الخمسين
 وسحبت من الستين أولها
 داخل برجلي
 على برودة العجز والشيب
 لا كان بخاطري البرد يحضني
 ولا يوم رفضت برجلي غزل الدفا
 كل السنين شمعة شمعة بتتطفئ
 لحد ما التورته م الحزن ساحت
 سخن الحليب اللي فيها وفارع الأرض
 مع أن لمت عيالي محننة القاعدة
 حوالين سنين بتفوت
 أنفخ عشان دمع الشموع يهمد
 كل الهوى اللي بيخرج
 بيزيد ف لون اللهب لحرر

وسخونة النفس اللى طالع
بيسيح الشمع ويا العمر والتورته
فينك يا ست القلب دلوقتى؟
الشمعتين كتر البكا عماهم
عليه ولا عليكى مش عايزين يقولوا
آخر شموعى انطففت
لحظة ما قادت آخر شموعك
آخر الأعوام
اللى كات على قلبى برد وسلام
قلبى ابتدى ينهج
من كتر لمتكو فيه
مين انطرد مش عارف
مين اللى هاجر من البرد اللى جوايا

مين اللى لسه قاعد
ومستى إيه ماتقوم
حتة النور انطفئت
من نفخة الشمعتين
قلبي دبلان. وروحي تلجت
آخر سنة عدت
وبرضه آخر دفا.

(٢٠)

آخر ليالى أغسطس المنسية

العشرة بردت والجو بقى نار

ما بين أربع حيطان طبقين عليه

لما الزمن سحب البساط

من تحت رجليه

كل العيال قاعدين وبالهم ف بالهم

ومحدث ف بالهم تانى

أصغر ما فيهم

بسمع شريط ويفنى وياه

أكبر ما فيهم

قاعد يهنن ضناه

ما هو العمر والأيام اللي جاية

وأنا اتحسبت على اللي عدى إمبارح

ورقة نتيجة قديمة ع الحيطه

وبكره برواز مذهب

بالشريط الأسود

مين يفتكر ومين اللي عايز؟

العشرة بردت جانب جدران قديمة

والشمعة مطفية من هوى الركنه

طب مين يطبق يقعد لوحده الليلادى

بعد الساعات اللي فاضلة

ينتظر كلمة مش جاية

يفتكر همها وفرحها

آخر ليالى أغسطس المليانة حزن

بردت على جتتى وما عدتش طيقانى

طب مين يطبق التانى

ورق النتيجة القديمة ولا ورق الزينة

شمعة بتقيد وعمر بينطفى
ناسيين بكفهم
ولا ناسيين غصب
ناسيين م الحزن
ولا ناسيين وبس
تلاتين سنة ما فارقتش الليلة
الأخرانية ف أغسطس
يطلع عليه الصبح بدرى
فرحان بشمعة جديدة ومنورة

بضحكة تمرى عليه طول السنة
تحنن القلب اللى ملىان بالعيال الحنيّة
تلاتين سنة عدوا
بعاشر الليلة الأخرانية ف أغسطس
دلوقتى ليه نازل أعد درج السلالم
لأول مرة بتكفى من اللى جوايا
لأول مرة بتكفى من اللى البرايا
آخر ليالى أغسطس المنسية
اللى ابتدت تدق ساعة آخرها
واللى انتهت م العمر لغاية آخرها.

تسع سلالم
هما اللى ربطين العمر بالعمر
والحنين بالحنين
والذكريات الحلوة بالمؤلمة
والعفش والبراويز
وبقية هدوم ف الدولاب
اخترتهم علشان نكمل سوا
اللى ما عدتش يكمل
ريحة الهدوم ف الدولاب لسه صابحة
مع أن لونهم اتخطف وأصفر
كل العصافير الكنارية هادية ف قفصها
دائماً كل يوم الصبح أصحهم
وأنفخهم م التراب والركنة
طالع وبتمنى تبقى آخر طلعة

طب مين يطول ترجع تطل عليه

السنين اللي فاتت

داخل وكل بالي أنزل بسرعة

ما أنا برضه مش قادر على

قسوة النعمة ديه

مشواري لسه بيشتهى الراحة بعد ما طالها

إحساسه خانه وفاكر أنه مش قادر يطولها

مين اللي طاله التعب فينا وقعد يرتاح

يستنى آخره اللي جاى بعد ما فات أوله

أنا أخرى كان أولى

وأولى كنت عايشة وياكى وفرط فيه

يا قلة الحيلة اللي ركباني

ومعششة ف أحاسيسى

يادى البراح اللي فرق بينا

ولحد أمتى مش قادر أعرف
تسع سلالم بس كل اللى فاضل
من بقيت عمرى اللى جاى
هما مسافة طلوعى لجهنم الدنيا
كل يوم عن يوم يزدوا سلمة
وبرضه بكمّل طلوعى
وأربع سلالم هما مسافة نزولك الجنة

القاهرة فى
٣١ / أغسطس / ٢٠٠٢
ناجى شعيب

• صدر من هذه السلسلة

- | | | |
|-------------------------|-------|--------------------|
| ١. وما زال الدم يبوح | شعر | محمد فهمي سند |
| ٢. تيك أوي | قصص | حجاج حسن أدول |
| ٣. الحرب الثالثة | رواية | عبد المنعم السلاب |
| ٤. أمواج في بحر الحروف | شعر | فوزي خضر |
| ٥. بكائية للوطن والغربة | قصص | رأفت سليم |
| ٦. فنون الواو | دراسة | عبد الستار سليم |
| ٧. الزجاج المكسور | قصص | غبريال وهبة |
| ٨. شقة الهوى والهوان | رواية | إيهاب سلام |
| ٩. إسكندرية المهاجر | شعر | أحمد فضل شبلول |
| ١٠. تغريبة الخواص | رواية | عبد الحميد الفداوي |
| ١١. ظل باب | قصص | أحمد محمد حميدة |
| ١٢. الخيول الشاردة | رواية | بهي الدين عوض |

١٣. طوفان النار	قصص محمد حافظ صالح
١٤. أيام زمان.. أين أنت	قصص هشام قاسم
١٥. على المواجه	شعر علي السويدي
١٦. حبييتي والخيل والصفيرة	شعر محمد صلاح الدين السعيد
١٧. لو أنك يا حب تجيء	شعر ناجي عبداللطيف
١٨. انشطار التاج	مسرحية شربة محمد أحمد حمد
١٩. احضنوا الشمس	مسرحيات محمد كمال محمد
٢٠. الفلاح الفصيح	مسرحيات محمد نصريس
٢١. الأمل الخالد	مسرحية شوقي سعد لبيب
٢٢. الأراجوز والقراقوش	مسرحية السيد حافظ
٢٣. مختارات	شعر جليلة رضا
٢٤. قطار الساعة ١٢	قصص السيد الشوربجي
٢٥. وداع لم يتم	قصص محمد صفوت
٢٦. تل المعافرة	قصص محمد شاكر الملط
٢٧. عبور الميدان ظهراً	رواية محمد سليمان
٢٨. كف مريم	قصص سعيد سالم
٢٩. الأمل وأحلام النورس	شعر يس الفيل

شعر	كوثر مصطفى	٣٠. لسه الأغاني ممكنة
شعر	عادل عزت	٣١. عشرات الفرس الأهوج
رواية	علي عيد	٣٢. حصان الليل
قصص	عزة بدر	٣٣. أعناق الورد
قصص	كوثر عبدالدايم	٣٤. جهاز ط.ح. أ
رواية	محمد القصبي	٣٥. عائلة صابر عبدالصبور
شعر	فاطمة الحفني	٣٦. أغلى حب
مسرحية	سعيد عرفة	٣٧. سرابة أفندينا
شعر	إبراهيم صالح	٣٨. أغنيات من زمن الخوف
رواية	عبدالله الجنابني	٣٩. التوام الشريد
شعر	مجموعة شعراء	٤٠. انتفاضة شعب
شعر	صلاح والي	٤١. الرعية
شعر	جميل عبدالرحمن	٤٢. وردة في عروة القدس
رواية	محمد محمود عبدالرازق	٤٣. جبل الأولياء
دراسة	كمال نشأت	٤٤. المسرح الشعري بين شوقي وأبازة
قصص	سمير الفيل	٤٥. انتصاف ليل مدينة
شعر	نجوى السيد	٤٦. كاس ودموع

قصص	محمود حنفي كساب	٤٧. البحث عن لميس
شعر	عبد الشافي داود	٤٨. عازف الأرغن
شعر	حسين علي محمد	٤٩. غناء الأشياء
دراسة	مصطفى عبد الشافي	٥٠. صلاح الشرنوبى (حياته وشعره)
مسرح	أحمد حسن شبرية	٥٢. يسقط يعيش
مسرح	أمين بكير	٥٢. الوشم بالكلمات
قصص	رجب حسن	٥٣. أصل وعفريت
رواية	جمعة محمد جمعة	٥٤. المحبون
نقد	هدى العجيمي	٥٥. رؤى نقدية
رواية	محمد الناصر	٥٦. حجاجكم الله
شعر	عزت الطيري	٥٧. غناء الهجر
رواية	عماد الدين عيسى	٥٨. دماء الأميرة
رواية	مكرم فهم	٥٩. أحزان بلدنا
قصص	سناء محمد فرج	٦٠. حبات كاليزما
شعر	عصام الزهيري	٦١. عيار طائش
رواية	مصطفى نصر	٦٢. وجوه

شعر	محمد حسن داود	٦٣. النسمة العائدة
قصص	مصطفى الأسمر	٦٤. ظلال في الظهيرة
قصص	عصام الصاوي	٦٥. كنوز شمائل
قصص	محمد عبدالحافظ	٦٦. الفلنكات
شعر	محمد علي عبدالعال	٦٧. في هواها كان عمري
رواية	محمد الجمل	٦٨. جوع القلب
دراسة	محمد أحمد شومان	٦٩. قراءة في اتجاهات الرواية الحديثة
قصص	سعيد بكر	٧٠. تحت السور
قصص	عبدالفتاح مرسي	٧١. انعطاف النهر
شعر	ليلى محمد علي	٧٢. شبابيك مقفولة
رواية	سعاد شلش	٧٣. الهجرة إلى الأعماق
رواية	محمد عبدالله الهادي	٧٤. عصا ابنوس ذات مقبض ذهب
رواية	فوزي وهبة	٧٥. عيون على الخط
قصص	محمد جابر غريب	٧٦. إشراقات الحب والغضب
قصص	خالد السروجي	٧٧. الحنان السري

٧٨. إلا .. شعر فاروق خلف
٧٩. عزف .. لا يطرب النساء شعر سامية عبدالسلام
٨٠. القارعات قصص سعد القليعي
٨١. خلاخيل العابرة شعر السماح عبدالله
٨٢. إنترنت شعر سعدني السلاموني
٨٣. نمل الرصيف شعر محمد صابر مرسى
٨٤. عنبر ٨ رواية محمد الشريف
٨٥. قال رواية فوزية حسن
٨٦. الشعر وأنا شعر شريفة فتحي
٨٧. مصر للمصريين في ثورة العرييين مسرحية أحمد إبراهيم أحمد
٨٨. كوشيرتو منتصف الليل شعر حسن النجار
٨٩. على سلم من هشيم الرياح شعر حسن فتح الباب
٩٠. النورس لا يعيش البحر رواية فؤاد نصر الدين
٩١. رمل .. وماء .. والممدى .. شعر عبدالرحمن درويش
٩٢. شجر الصراحة شعر عامية إبراهيم خطاب
٩٣. قوس الرياحين شعر مصطفى العايدى
٩٤. احتواني الانتظار شعر عامية إيمان أحمد يوسف

٩٥. الملاك الصغير فوق السحاب رواية محمد عبد المنعم رضوان
٩٦. عدالة في التوزيع مسرحية درويش الزفتاوى
٩٧. ضوء بعيد في العتمة رواية ربيع الصبروت
٩٨. زمن الإنكسار شعر فرغلى الخبيري
٩٩. الظلال مسرح محيي عبد الحى
١٠٠. نتوءات علي وجه القمر قصص قصيرة عبدالرحمن الشريف
١٠١. عرس البغاء قصص قصيرة الحماقى المنشاوى
١٠٢. ١١ سبتمبر هوليوود العرب دراسة نقدية أشرف شيتوي
١٠٣. دوائر الغبار قصص قصيرة حسن نور
١٠٤. اغتيال استاذة رواية أميمة جادو
١٠٥. سوزان رواية سمير درويش
١٠٦. زمن نجوي وهدان رواية مجدي جعفر
١٠٧. وشم الغيم رواية محمد الفارس
١٠٨. قاف رواية علي المنجي
١٠٩. سور الجامعة شعر عامية خالد محمود
١١٠. نسيان وكذب وصدق شعر عامية ناجي شعيب
١١١. بدر بالسماء تم شعر أحمد التمساح

١١٢ . زهرة الشوك	قصص قصيرة عادل سرريس
١١٣ . غرية و٨ شجرات	قصص قصيرة فاطمة السيد
١١٤ . دراسات في ثقافة الطفل	دراسات
١١٥ . الجعران	مسرح إيهاب فاروق حسني
١١٦ . لحظات	قصص قصيرة وائل وجدي
١١٧ . وجع دافئ	نثر هالة فهمي
١١٨ . غناوي الدراويش	شعر سلامة عيسي

الهيئة المصرية العامة للكتاب

ص. ب : ٢٣٥ الرقم البريدي : ١١٧٩٤ رمسيس

WWW. egyptianbook. org

E - mail : info @egyptianbook.org